

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 2968 del 15/10/2021

Traduzione in ladino

L'è fora l nef sit web de l'Euregio

Del 2013 doi egn dò che l'è stat metù sù e registrà l GECT "Euregio Tirol-Sudtirolo e Trentin" l'è stat publicà sie prum sit web www.europaregion.info. Anché, dò 8 egn da canche l'è stat metù fora, e dò sacotenc meisc de gran lurier, l'Euregio se porta dant co na parbuda digitèla deldut neva. I studie metù a jir per l nef projet del sit web l'è stat endrezà pissan a n sistem scempie de दौरa e de informazion per la sentadines e per i sentadins. Per chesta rejon, anter duc i contegnui, se podarà troèr i servijes che smaorarà la perferida. L sit www.euregio.info scomenza via n temp nef de la prejenza online de l'Euregio.

L sit de l'Euregio no l dèsc demò informazions ai sentadins en cont de duta la neves de l'Euregio ma l ge fèsc cognoscer la ativitàdes de la cooperazion sorafora la seides de Tirol, Sudtirolo e Trentin, i disc duc e trei i presidenc del Tirol, Provinzia autonoma de Busan e Provinzia autonoma de Trent.

Sul sit web, i sentadins i pel ruèr tel mond de l'Euregio e tor consaputa di sacotenc projec, scomenzadives, neves e evenc che vegn metù a jir. Estra apede, i video di viajes tras i trei raions de Tirol, Sudtirolo e Trentin i envìa chi che ge vèrda a cognoscer l'Euregio en pruma persona. I video i tol ite jent o gropes de jent, ma ence lesc de l'Euregio, magnadives de la region tel format EuregioConGusto e fac de enteress con EuregioConcrete. Estra apede, sul nef sit web, l'è ence na mediateca che conta de l'Euregio.

Estra che i canai social media de l'Euregio (Facebook e Instagram), l sit web l'è l canal zentrèl de informazion e comunicazion de l'Euregio Tirol, Sudtirolo, Trentin e na fontèna de informazions dintornvìa la cooperazion sorafora la seides.

L nef sit de l'Euregio sporc sacotenc highlights e vèlch una neva: l sit de la raprejentanza de l'Euregio a Bruxelles www.alpeuregio.org l'è stat metù ite tel nef sit www.euregio.info. La raprejentanza de Tirol, Sudtirolo e Trentin a Bruxelles la é stata metuda sù del 1995 aldò de na cordanza anter i goerandores de la trei regions, che i à volù, a chesta vida, endrezèr via l prum ofize de coleament sorafora la seides a Bruxelles. Con anché i sentadins i podarà cognoscer dut de l'Euregio Tirol, Sudtirolo, Trentin e su la raprejentanza a Bruxelles fajan demò n clic.

Traduzion di Servijes Linguistics e Culturèl del Comun general de Fascia

(Traduzione a cura dei Servizi Linguistici e culturali del Comun general de Fascia)

(cdt)